



Olga Hugelmeyer, Ed.D.
Sipèntandan Lekòl yo

Maria Labrador
Direktè

Out 2025

Chè Paran/Gadyen ak Elèv yo,

Nou menm, tout estaf, nan Lekòl **Dr. Albert Einstein Academy School No. 29** nou onore epi nou kontan anpil pou akeyi tout elèv ak manm fanmi nou yo nan ane lekòl 2025-2026 **k ap kòmanse Jedi 4 Septanm!** Nou pwomès ke chak timoun ap jwenn yon anviwonman ki pral ede yo devlope kapasite kreyativ epi reyalize ekselans. Nou kwè chak elèv ki nan anviwonman ki gen sekirite, ki solid, ak bon akèy kapab aprann nan yon nivo ki pral éde yo ranfòse potansyèl edikasyonèl yo.

Tanpri pran tan pou vizite sit entènèt distri nou an, ak lyen **Retounen Lekòl** la nan <https://www.epsnj.org/Page/4374> pou plis enfòmasyon sou retounen lekòl la. Nan paj ki pi ba a, w ap jwenn anpil enfòmasyon ki deja sou sit entènèt distri a pou ou kapab gade epi revize kounye a:

PREMYE JOU LEKÒL / PWOSEDI POU RANTRE AK RANVWAYE LEKÒL

Ane lekòl 2025-2026 la ap kòmanse Jedi 4 Septanm, 2025. Ansèyman ap kòmanse a 8:20 am jiska 3:00 pm. Pou ede fasilite yon tranzisyon ki fèt san pwoblèm epi ki byen òganize pandan lekòl ap rantre ou byen ap ranvwaye elèv yo, tanpri respekte pwosedi sekirite sa yo:

Pre-K:

- Elèv yo pral ranje nan lakou rekreyasyon Pre-K a. Pòt yo ap ouvri a 8:20 am epi yo ap fèmen egzakteman a 8:30 am. Si yon elèv rive apre 8:30 am, yo dwe mennen l nan antre prensipal la pou yo ka siyen l. Yo mete yon senbòl pou pitit ou a mete sou li premye jou a ak enfòmasyon pwofesè a ak salklas la elèv la.

Dr. Albert Einstein Academy School No. 29

- Tout elèv Pre-K ap ranvwaye nan kafeterya. Tanpri antre nan pòt bò kote kafeterya.

K-8:

- Pòt pou élèv ki nan klas K-8 yo ap ouvri a 7:50 am.
- Elèv ki nan klas K-4 yo ap antre nan bò pòt jimnaz la, ki sitiye sou chemen nan lakou rekreyasyon an.
Elèv ki nan klas 5-8 yo ap antre nan pòt prensipal la epi yo pral ale nan kafeterya.
- Pou sekirite tout elèv nou yo: Paran yo pa gen dwa ale pi lwen pase pwen antre yo.
- Élèv jadendanfan ak 3yèm ane yo ap ranvwaye lekòl la nan kafeterya a. Elèv 4-8 ane yo ap kite lekòl la nan lakou rekreyasyon prensipal la. Si gen move tan y ap ranvwaye tout elèv yo nan kafeterya a.
- Chak elèv nan lekòl primè gen yon kat pou yo ka ranvwaye lekòl la. Tanpri asire w ou ranpli l epi voye l ak elèv la premye jou lekòl la. Sa ap asire yon depa san pwoblèm epi san danje pou tout elèv yo.
- Ou ka jwenn enfòmasyon klas prensipal élèv yo pou ane 2024-2025 la lè w konekte sou Pòtal Paran Powerschool la epi ou ka jwenn yo sou etikèt devan anvlòp la.
- Epitou, nou mete Règleman Distri a KI RELE District's Afterschool Dismissal pou ou ka revise. Si pitit ou a gen plan pou l pran bis pou l al lakay li, ou pa bezwen ranpli fòm nan; si pitit ou a ap mache lakay li, ou oblige ranpli fòm nan. Tanpri retounen fòm nan premye jou lekòl la.
- *Yon ti rapèl :* Lekòl nou an sitiye sou yon gran wout. Se poutèt sa, lè w ap depoze oswa vin chèche pitit ou a, tanpri pa pake machin ou an doub devan bilding lan. Liv depoze a se pou moun ki depoze timoun sèlman. Si w ap mache mennen pitit ou a nan pòt la, tanpri pake nan lari a. Tanpri fè atansyon ak vwazen nou yo epi pa bloke antre prive yo. Anplis de sa, tanpri pa bloke antre lekòl la; antre ki devan bilding lan fèt pou bis sèlman. Sekirite elèv yo se youn nan pi gwo priyorite nou yo, epi nou espere fè tranzisyon maten ak apre midi yo nan lòd otank posib.

Ap gen anplwaye deyò pou ede tout moun pandan premye jou lekòl la.

KALANDRIYE LEKÒL EPS

Nou mande pou ou gide epi sipòte edikasyon pitit ou nan fason w ap asire ke li ale lekòl chak jou, li rive alè, epi li pare pou eksperyans aprantisaj jounen an.

Pou revize Kalandriye Lekòl EPS la pou ane lekòl 2025-2026 la, tanpri vizite lyen sa:

Pre-K:

Dr. Albert Einstein Academy School No. 29

ENSTRIKSYON SOU PÒTAL POWERSCHOOL POU PARAN

PowerSchool se yon sistèm jesyon elektwonik Lekòl Piblik Elizabeth itilize pou kolekte, estoke, epi kenbe enfòmasyon ak dosye enpòtan elèv yo. Aplikasyon sa bay paran aksè nan enfòmasyon ki gen rapò ak orè elèv la, prezans elèv la, nòt elèv la, ak pwogrè akademik. Li ofri tou fason pratik pou paran ak pwofesè kominike. Se poutèt sa, tout moun rete konekte. Orè pou ane lekòl 2025-2026 ap disponib pou ou wè sou PowerSchool ***Lendi 18, Out.***

ANSYEN AK NOUVO PARAN EPS

Paran nouvo elèv yo dwe mande yon nouvo kont pou yo kapab antre tout enfòmasyon ki nesèse pou navige Pòtal Paran PowerSchool la. Ansyen paran yo, ap bezwen konekte, antre, epi ajou nenpòt chanjman pou pitit yo.

Pou jwenn enstriksyon sou fason pou navige Pòtal Paran PowerSchool la, tanpri vizite sit entènèt EPS la nan [Student and Parent Sign In \(powerschool.com\)](#).

Si ou gen difikilte teknik pandan w ap cheche jwenn aksè enfòmasyon nan PowerSchool pitit ou, tanpri kontakte lekòl pitit ou oswa vizite sit entènèt EPS la nan [Student Support Services / Student Registration \(PreK-12\) \(epsnj.org\)](#). Lè w rive nan paj la, tanpri klike sou tab ***“PowerSchool Parent Portal Help”***. Tanpri desann epi klike sou lekòl pitit ou a ye kounye a. Apre sa, y ap dirije w pou w ranpli yon fòm kontak sou entènèt. Apre w fin klike sou bouton ***Save*** ak ***Done*** ki anba a, yo pral soumèt demann ou epi yon moun nan lekòl la ap kontakte w byen vit.

ENSTRIKSYON SOU PÒTAL POWERSCHOOL POU ELÈV

K-8:

Pou jwenn enstriksyon sou fason pou navige nan Pòtal Elèv PowerSchool la, tanpri vizite sit entènèt EPS la nan [Student and Parent Sign In \(powerschool.com\)](#).

RÈGLEMEN POU INIFÒM

Objektif kòd abiman EPS la se pou pwomouvwa yon imaj pozitif ak pou amelyore fyète lekòl pami elèv nou yo. Sante, sekirite, ak byennèt nan ledikasyon se objektif prensipal kòd abiman ansanm ak ankouraje yon anviwònman ki fasilite disiplin ansanm ak ledikasyon. Elèv yo dwe mete inifòm lekòl la chak jou.

Dr. Albert Einstein Academy School No. 29

W ap jwenn règleman sou inifòm lekòl pitit ou sou sit entènèt <https://www.epsnj.org/Page/4374>. Tanpri gade seksyon **“Uniform and Dress Code Policies”** epi swiv enstriksyon yo bay la.

Paran, n ap mande koperasyon ak sipò ou konsènan respè pitit ou dwe genyen pou règleman inifòm nan. Elèv ki pa respekte règleman inifòm lekòl la p ap gen dwa antre nan bilding lekòl lan **Jedi 4 Septanm** oubyen nenpòt jou lekòl apre sa. Tanpri pa ezite kontakte biwo Direktè lekòl la si ou ta gen nenpòt kesyon konsènan règleman inifòm nan.

APAREY ELEKTRONIK

Pre-K:

Enplemantasyon iPads nan klas matènèl bay yon opòtinite pou elèv pi piti nou yo devlope jan yo aprann ak teknik atravè eksperyans ki apwopriye pou devlopman yo. Pandan iPad ka sèvi kòm yon zouti pou ede ranfòse ladrès nan domèn lekti, ekriti ak matematik, li kapab tou bay elèv lekòl matènèl opòtinite pou envestige, eksplòre, ak kreye nan anviwònman timoun piti.

Aplikasyon iPad entegre san pwoblèm nan kourikoulòm lekòl matènèl nan lè aktivite anndan klas la. iPad amelyore edikasyon elèv yo pandan li bay yo opòtinite pou rakonte ak kreye pwòp istwa yo, envestige ak eksplòre nouvo kote enteresan ak divès kilti, kaptire aprantisaj yo atravè pòtfolyo elèv yo kreye, epi ranfòse konpetans atravè liv ak aplikasyon pou aprantisaj.

K-8:

Pou kèk ane, lekòl nou an te fonksyone kòm yon lekòl teknoloji 1:1; Kòm rezilta, tout elèv yo pral kontinye itilize yon òdinatè pòtab pou ansèyman chak jou nan klas yo. Elèv yo ta dwe fè tout efò posib pou pran swen òdinatè pòtab yo pandan ane lekòl la, paske sa se yon privilèj espesyal. Enplemantasyon teknoloji 1:1 nou an ap kontinye asire elèv nou yo rive nan nivo konpetitif ki nesesè pou ankouraje preparasyon pou kolèj ak karyè. Tout elèv dwe vini lekòl chak jou, ak òdinatè pòtab ki chaje, ansanm avèk kòd ki pou chaje òdinatè pòtab la.

NOUVO ELÈV

Tout nouvo elèv nan distri a ap resevwa laptop nan premye semèn lekòl la.

RETE KONEKTE

Resevwa Rapèl/Mizajou Lekòl la pa Mesaj Tèks!

Enskri pou resevwa mesaj ki soti nan lekòl pitit ou ak nan Lekòl Piblik Elizabeth

ENSTRIKSYON POU NOUVO AK ANSYEN PARAN

Dr. Albert Einstein Academy School No. 29

Li trèzenpòtan pou nou gen adrès kay ak/oswa nimewo telefòn ki pi ajou pou nou ka kontakte ou nan ka yon ijans oswa pou diskite pwogrè pitit ou. Tanpri, asire ou mete ajou enfòmasyon, kontak ou lè ou konekte sou Portal Paran PowerSchool la; epi ranpli fòm Enfòmasyon Ijans ki anba lyen Fòm yo pandan tout ane lekòl la si ta gen yon chanjman nan adrès lakay ou /oswa nimewo telefòn ou. Nou espere kominikasyon ouvè ant kay la ak lekòl la paske sa enpòtan pou siksè akademik elev yo nan lekòl la.

Sistèm Notifikasyon nou an pèmèt manm pèsònèl la kontakte paran yo pa imèl, tèks, ak mesaj vèbal ki anrejistre nan telefòn. Atravè sistèm sa a, paran yo resevwa enfòmasyon ijans imedyatman sou gwo evènman, oswa dat k ap vini yo. Pou asire sistèm sa a ap kontinye fonksyone nan yon fason trè efikas, li trè enpòtan pou nou gen **enfòmasyon ki ajou nan dosye pou chak elèv**.

Pou jwenn enfòmasyon sou kijan pou kenbe enfòmasyon kontak ou yo ajou, tanpri vizite sit entènèt EPS la nan <https://www.epsnj.org/Page/4374>. Tanpri gade seksyon **"Rete Konekte" a "Stay Connected"** epi swiv enstriksyon yo bay sou kijan pou mete enfòmasyon ou yo ajou sou PowerSchool.

Anplis de sa, tanpri konsidere ofri sèvis ou kòm volontè pou sipòte Òganizasyon Paran/Pwofesè (PTO) nan lekòl pitit ou a. PTO bay anpil opòtinite pou fanmi ki nan kominote lekòl la patisipe epi *rete konekte*. Tanpri asire ou enskri paske ou pral gen yon konpreyansyon de tout resous ki disponib pou pitit ou a isit la nan Lekòl Piblik Elizabeth yo.

ENFÒMASYON DISTRI A POU LEKÒL LA

Tanpri, asire ou revize epi ranpli anvan premye jou lekòl tout dokiman obligatwa ki nan lis anba a. Anplis, ajou tout enfòmasyon pèsònèl ou regilyèman.

- Fòm Enfòmasyon Ijans
- Avi Konsènan egzamen fizikal
- Fòm pou Medya
- Fòm Pèmision Entènèt ak Rezo Elèv yo ak Règleman Itilizasyon Entènèt
- Itilizasyon Akseptab Pou Teknoloji – Fòm Elektwonik pou Aparèy Mobil
- Fon Koneksyon pou Ijans (ECF)
- Aplikasyon pou Manje nan Lekòl

Pou jwenn aksè a dokiman ki nesèsè yo ki endike anwo a, tanpri vizite sit entènèt EPS la nan <https://www.epsnj.org/Page/4374>. Tanpri gade seksyon **"Fòm ak Aplikasyon pou Pitit Ou a"** epi swiv enstriksyon yo.

RÈGLEMEN SOU VAKSEN

Pre-K:

Dr. Albert Einstein Academy School No. 29

Tanpri, nou vle ou konnen Depatman Sèvis Sante Eta New Jersey chanje plizyè egzijans sou vaksinasyon. Tout timoun ki ale nan sant gadri ak lekòl matènèl ki gen lisans oblije pran vaksen kont grip chak ane.

Tanpri, li nesèsè pou ou bay prèv ke pitit ou resevwa vaksen. Ou dwe bay prèv vaksen yo **avan 23 Desanm 2025**. Si lekòl la pa gen prev vaksen a, n ap ranvwaye elèv ki pa gen dokiman nesèsè apati **5 Janvye 2026**.

K-8:

Leta New Jersey rekòmande pou tout timoun ki fèt apre 1ye Janvye 1997, ki nan klas 6, **ap oblije resevwa boustè dòz “diphtheria(Difteri), tetanus (tetanòs) ak pertussis (koklich) (Tdap)” anvanm ak dòz “meningococcal (menegokoksik) vaccine.”** Pote bay enfimyè lekòl la tout dokiman, vaksinasyon ki pwouve pitit ou ka antre nan klas 6, nan dat **Jedi, 4 Septanm, 2025**.

Elèv k ap antre nan Klas 6zyèm ane, ki fèt nan dat oubyen apre **Jedi 4 Septanm, 2025** dwe pote lèt ekri ki soti nan men doktè, pou pwouve elèv la gen randevou pou al pran vaksen yo. Randevou a dwe ekri 2 semèn anvan pitit ou genyen 11 zan. Paran dwe soumèt dokiman vaksinasyon an rapidman apre randevou a. Lalwa oblije Distri Lekòl Piblik Elizabeth pou asire ke tout elèv yo resevwa vaksen obligatwa yo.

Timoun ki pa satisfè egzijans vaksen oswa ki pa gen dokiman pou yon randevou vaksen nan 2 semèn apre yo fin gen 11 zan pap kapab rete lekòl la. Lekòl la ap voye yo tounen lakay yo kòmanse premye jou lekòl la.

TRANSPÒTASYON

Men elèv ki kalifye pou jwenn transpòtasyon:

- Elèv elemantè ki abite plis pase 2.0 mil de lekòl yo
- Elèv lekòl segondè ki abite plis pase 2.5 mil de lekòl yo
- Elèv ki gen IEP ki gen sèvis transpò

FOUNITI LEKÒL

Pre-K:

Nan premye jou lekòl la, tanpri voye pitit ou a ak bagay sa yo:

- Yon (1) ti dra ak yon kouvèti gwo bèso pou repo.
- Yon chanjman rad konplè pou pitit ou a ki genyen non li (kilòt, chosèt, chemiz, pantalon/jip). Yon chanjman rad siplemantè. Rad sa pa oblije inifòm lekòl la
- Yon gwo sak lèkòl (tanpri pa vini ak sak ki genyen woulant).

Dr. Albert Einstein Academy School No. 29

W ap jwenn on lis founiti nan pake sa a ak bagay espesifik pou salklas èlèv la. Tanpri asire w ke tout bagay yo gen etikèt ak non ak siyati elèv la.

SWARE RETOU LEKÒL

Nou kontan kòmanse yon nouvo ane lekòl epi nou envite paran ak gadyen legal yo pou yo patisipe nan Sware De Retou Lekòl nou an:

Jedi 11 Septanm 2025
5:30 pm pou klas PreK – 3
6:30 pm pou klas 4-8

Nou espere nou tout pral kontinye jwi rèss Ete a. Ann kontinye ak misyon nou pataje ansanm pou nou reyafime ekite, retabli atant, epi reprann ekselans! Nou espere kòmanse yon lòt vwayaj ansanm ***Jedi 4 Septanm.***

Sensèman,

Maria Labrador
Direktè

Dr. Albert Einstein Academy School No. 29

919 North Broad Street, Elizabeth, New Jersey 07208 • Ph: 908.436.6900 • Fax: 908.436.6820
Email: labradorma@epsnj.org • Website: www.epsnj.org